

東坡詩集



89266

東坡詩鈔

北征集



黃岡

殷雯

子琴

予以甲午登賢書明年公車北上一路懷人

古頗極友朋文酒之樂往返得詩若干首為北

征集

元日試筆

偶然寫家慶四壁盡歡聲歲鼓宵方靜書燈曉尚明鵝

鴻臺閣滿蛟蜃海天橫太息杜陵叟勞勞賦北征

將之都門會鄒獻之文二首

卷九 北征集

貞珉礪沙石磊磊堅不撓長松戰風雪凜凜寒不凋至

人不病病所病吾道消去年省公疾為我吟情高得閒

覽物化屏俗親風騷別來條開歲望眼翹斗杓春和漸

融洩病懷翻鬱陶衰鳳翔七澤阿閣餘故巢玉山美芻

秣伏櫪閒龍鑣氣象不可干彩筆茲猶操此意復誰識

杜陵去已遙

夔虻生相憐松蘿生相倚老友官黃門賤子舊同里同

里復同朝私獨為公喜豪吟拉小謝孤忠甲短李盃底

舞槐龍庭前狎獅豸遠觀無近心諧言有名理睽迹方

天涯同心若尺咫嗚予叢可憂孑身墮泥滓仰空虞景

貝臨深慨流駛趣之賦帝京期以接方軌公懷明月光
鑑此三尺水擊劍譎慨悚馬前朔風起

雷 過杜家河

粉堞笳聲斷層峰雪色多人吟夔府句車過杜家河

麻城贈別李靜夫希仲

斷魂舊日淮南路中有橋西五畝園棠棣窮碑懸碧落
松花明水潑清樽離堂絲竹中年感老圃風霜晚節尊
應惜釣鰲東海客恥將朱履跋侯門

題李氏豫園

李侯巨眼小天下卻喜翫然來足音照我冰心寒且皎

卷九 北征集

爲園山曲窈而深一堂草木青燈味千里雲沙白日陰
去攬吟鞭走燕薊古臺高義薄黃金

聞同邑邱蕪汀談信陵祠之勝戲拈四絕句

卻秦救趙事非奇尚在兵符與鐵錐安得百年侍公子
男兒朱亥女如姬

忍殺美人媚賓客客中曾有一人無信陵卻惹平原笑
杯酒殷勤共博徒

雷霆一擊竟收聲末路難銷骯髒情除卻婦人醅酒外
更將何事了平生

不遇信陵終不出抱關蹤跡亦堪哀天涯有客夷門路

獨爲侯生灑涕來

客感

一箇靈巖兩鬢皤又吹尺八走關河九州地入中原大
千里春迎上客過塞北驚風滯鴻雁海東飛浪駕龜鼉
酒徒燕市遙相許擊劍曾聞幕府歌

比干墓

糜身不救牝雞危白草空埋六字碑聖主自隆封墓典
孤臣忍見倒戈時丹心死共星辰爛白馬生憐信宿遲
惆悵荒原一回首晚風斜日黍離離

題張睢陽廟壁

卷九 北征集

三

拔刀割肉目眦裂美人頭斷雀鼠絕嗚乎將軍真義烈
月中聞笛臨秋風裁詩出陣聲摩空嗚乎將軍何從容
乞師受命隨其指罵賊捐生折其齒嗚乎將軍猶不死
椰園渡河

一源天上落滂濂復東歸梗地非無患朝宗庸有違宣
房今罷築海水忽羣飛擊檝椰園叟長誦懷式微

陳橋驛

被體龍衣漢祚傾又驚黃鉞指神京兩朝慘淡孤兒淚
一夕傳呼萬歲聲古驛蟲沙塵劫換寒鴉邨樹夕陽明
可憐棄擲燕雲地當日師名是北征

先賢端木子貢故里

一貫授真傳三挑書逸事人情寧自外聖域且立至始
知諸妄門達者了無滯陷穿與夷塗坦然等一致細行
或自矜諸艱敢歷試嗟彼振監徒劃界絕情累豈知柴
棘胸遠愧瑚璉器行當拓穹碑廣與豁昏寐

宿邯鄲

盧生祠畔夜初闌醉潑村醪倒客冠瘦馬長嘶風雪裏
穩馱春夢過邯鄲

國士橋

知己思拚一死酬長橋鳴咽腹寒流南來照影誰相識

卷九 北征集

四

國士於今已白頭

趙州橋聞同人談近事有作

八轅通道九州同一點塵搖船趁風新識帶圍花有憾

舊盟金匕酒無功水飛咸海魚雷斷雪照摩天轟幕空
第二句用羅昭諫詩意

明月店

秋月令人憶春月令人悅即來正青春晚即就明月
來去此明月與郎重相期明月年年在那行那得送

次清風店

郎飛車騎來妾妙柘枝舞宛轉生清風與郎拂塵去

妾自愛清風郎自愛明月明月不常圓清風無斷絕

經椒山先生墓

逕憑骨鯁抗奸回狄道人歸志未灰報國一官填犴狴
呼天兩疏動風雷傳書豈有青詞辱藏血能無碧葬哀
欲叩墓門酹盃酒白楊謾謾怒颺來

過滹沱河

大河北去春冰泮不見蕭王躍馬過淒絕蕪亭艱一飯
西風寒雁滿滹沱

涿州昭烈故里

涿州昔是鍾靈地父老能談蜀漢年種菜英雄今已矣

卷九 北征集

五

環村桑柘故依然童童車蓋明殘照漠漠雲旗下遠天
回首不須悲拊髀尙盤王氣滿幽燕

桓侯祠

孰是萬人敵將軍熊虎姿斷頭容蜀將報國有孫枝古
雪銘刁斗英風走玉追更誰爭尺土枯井有穹碑

去祠數十

武有碑署
桓侯古井

過盧溝橋得長短句二章

淮之渦神所家舟千葉靜無譁金鈴之語兮震及幽遐
愴彼橫流兮蕩焉靡涯曷歸來兮侶魚蝦

淮之水清且灑若有人在中沚鼓鍾於宮兮音流遠邇

胡途之人兮漏盡不止彼獨不見兮橋化枳

又題橋柱一絕

崩濤裂石眼曾經投老征車此重停一角蘆溝橋外影
西山長作古時青

左笏卿比部招同宋可亭胡豫生周試生黃篤友
宴集天寧寺席間和笏卿作

袞袞羣公在莞莞一客悲驚塵迷大道逝景惜明時且
起黃鱸伴來賡白塔詩空門饒意味休話桂林枝

都中病瘡彌月不親筆硯久矣客有投以感事四
詩者強起和此

卷九

北征集

六

北來風雪暗三邊如夢春華已醉天伐斧南園餘竹盾
揚塵東海有桑田聞書姓字通明殿賸聽謠謠勅勒川
莫問化人行藥地離宮花草自年年

人民城郭是邪非化鶴何曾問令威宣室夜猶談五餌
紫宮人早惜雙飛黃金有恨填虛北盤木無聲動獵圍
祗與雲臺添故事雕甍親擁節旄歸

味道模稜襲高爵萊公鎖鑰斷雄關但聞入市能吹霧
豈有凝冰可作山畫地急憑揮玉斧輿尸凶解唱刀環
何人賭擊登聞鼓却放申屠竟日閑

分明綵筆耀邊陲虎死龍僵有斷碑鼠壤橫刀能幾輩

花門釐面又多時雲中浩蕩軒轅國竈上驅除瀚海師
親睹神芝三秀在待回旌節護龍池

公長平公主墓墓在平陽今縣其西晉文公五十四

一夕牛車出帝閭錦茵聊為浣啼痕秋風龍劍銷殘劫

夜月鸞臺照合昏舊院竟空金粟影暗香難返玉梅魂

劇憐寒食棠梨節歲歲春鶯哭墓門

世題黃石齋先生手卷 卷為洪右丞 給諫家藏

南渡匆匆殘局竟口誦周易甘畢命嗚乎黃公於有明

豈以文章為品定而公復以文章名觥觥早擅儒林勝

千春厄引公手書語重句奇腕力硬單詞隻字已足珍

卷九 北征集

何況干言若珠選公之遺事在國史耿耿此心著忠敬

黔中不憚荷戈往平臺那辭折檻諍作書乃有狐首思

斯言要豈公本性不見臨危齧指時斬然數語晚節勁

此卷墨審猶淋漓疑有貞魂相合并當時使公久相位

何至四境殘梟獍文章忠孝公能兼惜哉錯擬魯少正

莊烈帝以少正卯比先生

為洪右丞題其大父芝仙圖和謝惕夫刺史作

謝公手題芝仙圖妙墨至今無其匹吾友右丞什襲之

命我題詩繼絕筆君家祖德眾共知庭階玉樹紛蕃滋

生綉一幅寄意耳七明九光何足奇即今君已致身早

荷鶴科名非草草會須上和芝房歌不用蓬萊更幽討
鰕生踪跡殊可憐銅池遙望空雲烟玉莖紫筍許分贈
我亦蟬蛻塵埃間

右丞復以東坡書醉翁亭記墨蹟索題即書其後
吾聞涪翁論書法同時心折惟坡公坡公書法有獨得
橫絕亦與其詩同聚星堂畔置杯酒勝事當年慕歐九
此文乃復公手書不獨文章能不朽公之遺蹟留吾黃
黃人述公皆能詳赤壁之賦醉翁記千秋讀者誰低昂
賤子於公爲後輩讀公此書轉長喟區區小技今已無
何論師門舊風義

卷九 北征集

八

讀史雜感

雲韶聲襍琬聲遲龍月城開不夜時盡選娥媧御王母
黃中九影落天池

屏蔽東封八道開妖星晝墮簡儀臺慕華館外花如錦
曾迂先朝詔使來

扶餘駢貊咸通道豈謂翻成虞虢危獨上旄邱揮淚眼
青天延望漢旌旗

安漢宣恩逮烏弋總戎失計劃紅螺一隅敢奮當車臂
萬眾齊麾逐日戈

神策軍書下九霄誤傳喜氣挾狐貂明光甲片光如月

猶照西城夜寂寥

勸定商家五遷議汝廉原是老書生堂堂枋國模校手
告祭南郊恐未成

月殿雲階霄漢間春風曲曲響銅銀若爲閒話虬龍塚
一寸霜眉萬歲山

光燄都歸翼軫墟徙耕曲突計何如如聞海外懸金購
不獨顏岐五上書

暴雨得二十八字

春明十里夢雲回一榻聲驚萬瓦推疑是招魂青海道
九龍風雨夜深來

卷九 北征集

九

見燕

倦客驚秋戀故扉勝人語燕尙依依營巢祝爾且須住
窮海無家何處歸

次韻奮王子蕃編修

曾揮知己淚一踏輟塵來燈火秋堂共玲瓏白日催憂
懷殷漆室老筆抗烏臺君識先朝事持危半楚才

重九余後軒

聯滿

周彝亭

從道

石端卿

家楷

招集

陶然亭賦詩紀事

浪遊親挾海雲開高步還攜謝句來海外秋聲搖荻葦
座中佳氣接蓬萊拈花與子作微笑拔劍爲誰歌莫哀

且倒接羅拚盡醉西風亭下莽飛埃

是日適予初度感諸君之意復成一首

平生好友如雲散隻影飄然墮薊門千里忽辭貞率約
一亭高弁太行尊寒花老圃占初度薄酒殘衫認舊痕
憶否滄江人鶴立看飛尺一達重閭

亭中雜感二首

燕市何人識報書孤亭四望莽愁予狗屠馬客都無謂
一灑殘杯弔望諸

東去太行山不隔海天極目水雲堆寒蘆莫作蕭蕭響

官聽軍聲十萬來

卷九 北征集

由天津至上海舟中口號

早負功名乏奇骨枉吟詩句挾飛仙白頭浪裏白頭客
要看蓬萊海外天

海中觀日出

海雲平鋪萬頃白飛空隱作黃金色八窗洞闕飛廬高

恍然日觀峰頭客一痕初掣紫電光百道旋化朱旗懸

回頭直北正深黑瞥眼振振騰扶桑東方至人九仙骨

劈波手挈金輪出百丈羣飛碣石灣一丸不沒蛟龍窟

苦雨終風能幾辰天容依舊明朝敞射魚鰾看那星道

捧手吾欲隨黃人

上海阻風

長風起西極吹立海漫漫舟底雷聲疾潮頭嶽色寒蛇
蛟橫八裔日月遁雙丸靈雨休輕過人間有灌壇

上海示友人

望眼隔京華乘秋共泛槎客程半風雨吾道一龍蛇海
氣晴常黯市聲宵更譁青衫雙淚溼不爲感琵琶

舟過金陵用致存韻

江走石城前日落鍾山下王氣黯六朝悲風動四野層
城有去燕荒陵餘敗瓦竊國盜何紛出山僧已窺江山
百戰餘風帆後來者懷古與誰同浩歌聊自寫

卷九

北征集

十一

道中書所見

雨痕泥點滿征衣草閣香衾夢久違何處籠轡人燕婉
蠻花紅壓蹇驢歸

夜泊揚子江

斷雲含雨過金焦夕景重開鐵甕遙倦客無心看北固
啼鳥有恨語南朝江寒楓葉聲蕭槭月黑魚燈影動搖
飛渡有人狎天險颺輪直下海門潮

過金焦不得一登悵然有賦

冥然天一角柱石尙雙標地蝕江湖盡風馳海鶴遙乘
流炫金碧過眼失蒼藁誰與登初地遺民骨早銷

小孤山

一峰老不仆孤立此乾坤力觸鯨波橫根盤拳石尊雄
關扼吳楚靈雨動朝昏亦欲牽珠箔心輕玉局言

亢旱

亢旱忽爲厲矧經河復初遭黎艱一飽凶黨聚三居功
獻白頭豕勞歌頽尾魚珠時需召杜早晚盼除書

東坪詩鈔

黃岡 殷雯 子攀

入郢集

光緒乙酉春仲赴老友芙蓉之約泛舟郢中寓
里矣眷念今昔總前後雜詩若干首爲入郢集

將之荆南舟中作

夜火忽沉黃鶴渚兩帆已過白螺磯一春鷗夢澹無著
兩岸柳花寒不飛東郭災黎悲故鬼南天戍卒老征騑
客行十日歇無事村酒一樽山四圍

卷十

入郢

荆南小住偶成短章四首錄示芙蓉

沙頭雨急天沉沉塔橋水漲三篙深紫雲一片掠波去
宋館梁臺何處尋龍陂戰功猶在口盞子微名亦何有
高冠長劍若有人獨俛重湖醉盃酒

我昨紫裘腰短笛一鶴凌空破秋碧風中老淚落寒江
月下吟魂倚絕壁壁月江風影動搖遠道綿綿共此宵
扁舟喚覺黃州夢七字封題白雪謠

蕭齋老木一尺圍閒階草色青沾衣君看擾擾魚蝦盡
何似團團蝴蝶飛五年心折登樓賦三月春風等閒度
遙憐柳色楚王臺帶爾攀條苦吟處

匹馬清都苦馳縱，篋有南金三品重。晚蘭尚解吹餘馨，
靈瓊未妨淹昨夢。高名曄曄扶桑東，餓夫志事羞凡庸。
白頭清夜各回首，杜陵老子茶村翁。

留別芙蓉

故苑春陰接汴河，含情渺渺付通波。兩門路斷青蕪滿，
千里人歸白髮多。清夜詠謠接風纛，空山睇笑隔烟蘿。
何人解爲親喪隱，落日滄江一釣簑。
長卿詞賦舊名家，一角朱樓此望沙。北地羈人愁桂玉，
南州名士怨琵琶。可憐風月三湖艇，待看番檄幾度花。
折得瓊枝憑記取，柳門東去卽天涯。

卷十 入郭集

古意一篇贈芙蓉

鷺雁飛六雙，蜻蜒困五尺。負芻竟何成，平輿儼相逼。往
轍覆六王，餘險挾半壁。竹林七瑞空，烏幔九泉寂。城屠
武庫兵，地羅元子賊。秘閣富典墳，峴岡熠玉石。坐失倚
相才，誰紹扶風迹。老友謝邱樊，微官冷擅席。起紆中澤
哀，歸趁南牖闢。繚繚孫戀長，晝病婦佐終。夕習彼鉛槧，勞
寫我性情。逸納納此乾坤，沉沉古魂魄。仰希千仞翔，悅
慨萬流溺。孤掌蟠華嵩，羣耳駭霹靂。車過爭問奇，徑開
猶望益。尺一累君頰，門庭容我卽。攬古徧邱墟，餘暇及
楮墨。采采瑤華摧，淒淒靈保隔。冷露注牆東，文思逝渚。

北賦馬豫章臺吊影羅含宅橫目誰英雄附膺一標擲
子焉賦遠遊老矣苦塗拭君知七不堪我申三歎息

沙頭阻雨與樾皆輔丞同作兼柬芙裳

立盡夕陽人不見

子將返鄂垣芙裳走
送江于望久之

披襟更上楚王

臺孤城冰雪搏空散三峽雲濤拍座來籠鳥何心舒遠
翼庭花苦憶勸深杯千秋留接靈均迹一老風流二仲

才

與芙裳別後賦此卻寄

一身齷齪駘駒困八口嗷嗷澤雁呼恃汝尙能堅壯志
祇今何以慰窮途騷人哀怨蘭臺迥仙羽高寒桂魄孤

卷十九 鄂集

三

魂去魂來定愁絕極天波浪滿江湖

荊州錄別再寄芙裳

雲中何處修門路鼓角城西一棹六共惜芳時偃瓊佩
且呼明月倒金杯離觴厭逐分麀市古淚橫吹臥虎臺
莫誦九歌尋玉笥夜深嘒嘒四山哀

歸舟得七律一首錄寄芙裳

披髮何因下大荒闌無人處蔽幽篁九天風雪孤兒淚

仍用殷
不害事

六里河山百戰場髯老尋春賸碑碣法曹報國
在文章昌黎曾官江陵法
曹吏故以此相勗清江白月秋期近更與乘槎

問七襄

舟近漢上夜夢與芙蓉懽然道故醒枕述此

歸雲蔽前嶺倦羽知故巢卑棲豈云足喟彼天路遙但
免腐鼠嚇敢託冥鴻高紛吾抱內美而弗解外膠在眼
半棹楷微驅焉可逃曰歸理松菊離立還清標巨奈素
心子相思增鬱陶虛堂黯已夕秋氣嚴不豈夢隨雨聲
共響兼風葉飄脚踟躕顏色怳怳終焉忘久要中庭有奇樹高
雲泥隨所遭未聞賦愷悌終焉忘久要中庭有奇樹高
下均同條條鳴爽籟發亦復同調刁流光彼自急素節
吾所操願言返風轡結此知音牢

夢醒成斷句二首再柬芙蓉

卷十 入郢集

四

颯拉青林過雨聲踏歌江路月微明勞人一夜靜魂魄
愛爾夢中天水清

覆局殘棋苦未收南天人老仲宣樓淫淫暮雨絲綠柳
夢聽江船喚杜秋

雜詠

歸舟無侶百緒紛來有觸卽書率爾成詠

朝夢攀列缺夕夢遊華胥仙人住樓閣環繞紅芙蓉紫
庭峙朱鷺青樾馴赤狐六膳飫神鼎三漿傾帝壺玉女
櫛長袂妙舞紅瓊瑜天風颯然起夢覺空籟籟

匣中三尺劍瑟瑟銅花滋深宵一拂拭神物驚躩踉恩

怨皆外至吾心原坦夷區區論施報何乃輕試之大易
貴藏器志士須審時庶幾斂光彩以俟風塵知

柳綿不可著下上團空烟蠟戟不可刺光彩空鮮妍蒼
鷹彼謂健不能窮九淵潛鱗彼謂樂不能翔高天途窮
白日落捷步安能全猗嗟智巧士終日徒膏煎

涼風起天末策策鴻枯桑援琴抱明月默坐彈清商美
人一悵望銀漢圍紅牆芙蓉欲采贈秋深天已霜徘徊
數漏刻奈此清宵長安能傳兩翼縹緲凌天閭

性拙知天雨穀穀林間鳩性逸知天風啞啞波間鷗云
何憤憤者隨俗相沉浮尸居而飽食母乃禽鳥羞逝波

卷十 入郢集

五

不可挽頽景不可留願言勵衾影渺渺希前修

遣愁恃杯勺滿注三千螺紅雲一傾瀉快若翻明河酒
酣吐奇句墨海揚驚波柔毫不及寸百怪爭搗訶俗流
競學語鄙詞工媿媿安得同心人并力迴天戈

楚北論詩二十首

郢中爲屈宋行吟之地後來名流嗣出率皆
源於此予客郢數月追念楚風其中頗有矯矯
特立者特歸宿各有不同耳沈歸愚先生一
指爲陵厲恐未然也爰撰數章以質當代

淒淒澤畔自行吟一卷離騷寫恨深莫誦文蘿山鬼句

猿聲和雨泣空林

悵望師門淚不乾
大招歌唱楚江干
景差唐勒才名盛
祇恐陽春和曲難

亭皋木葉亂斜暉
隴首秋雲竟日飛
惟有王融偏解事
扇頭字字走珠璣

傲明當途亦不羣
肯從屈宋挹餘芬
文章四友分明記
未合論才便冠軍

嘉州西去駐吟鞍
官閣蕭蕭客夢闌
吟到輪臺舊歌曲
朔風邊雪不勝寒

夫子風流早擅名
悠然胸次比淵明
灞橋風雪吟驢背

卷十 入郢集

六

詩思梅花一樣清

香案蓬萊侍列仙
衣痕隨染御爐烟
詞人冠冕今誰是
親賦朝元閣上篇

吟成天寶年間史
才力縱橫孰比肩
渭樹江雲苦惆悵
論文祇憶李青蓮

旗鼓詞壇壁壘新
轉嫌僻道雜荆榛
布衣潦倒成何事
祇合頭銜署酒民

殿上衮衣明日月
硯中旗影動龍蛇
詞場留得風流事
手寫吳綾日未斜

卜里歸來做簪冠
芳踪雅合佩幽蘭
拳山勺水皆詩趣

借少遺編後代看

重陽天氣似清明
澀雨酸風聽滿城
吟得潘郎舊詩句
有人西望憶先生

誅茅林下遂幽棲
出閣俄聞匹馬嘶
恰與故人添畫稿
一天風雪度寒谿

江馬曹王舊有名
才人瀟灑一官輕
紅衫窄袖春江路
誰識悲歌馬上聲

黃茅白葦望模糊
矯首徒思大雅扶
卻怪錦帆名解脫
禪家舊愛李龍湖

希光掠影自紛紛
冥語如聞幽獨君
祇有徐波解相慰

年年風雨打秋墳

一篇寶劍誦迴環
豪氣騷除鬢漸斑
別有深心人不識
白茅堂畔白衣還

變雅吟成詩百篇
少陵風格本家傳
燈船鼓吹秦淮路
淪落風流二百年

嶺嶠詞人眼獨青
松湖蹄泛小青泠
駢田洗淨箏琶響
千首琳琅玉照亭

塵海詩囚亦可哀
胸中麤影苦憐才
溧陽風骨平生乏
敢望青冥借力來

苦雨四首

入春一雨連夏首飢民雨立遍郊藪何來妖燄煽門廷
竟夕紅燈大如斗大吏急檄清槿苻誅鋤尙恐留根株
一呼而起饑民俱

有容膏車將遠征遠聞荆襄多哭聲木皮剝盡草根絕
沿江刀客方縱橫嗟我饑民一何苦膏血淋漓委豺虎
誰寶釀之成怨府

里中富兒擁藏粟一石千鈞患不足悍然閉戶操奇贏
雨師淫淫助其毒雨災水患常相乘水鄉安得秋禾登
打門况有催租聲

常平積穀千百囤大吏平糶宣 皇仁飢民歌舞乞升

卷十八 鄧集

八

斗扶老攜幼來如雲書生拯災苦無力但使歡呼遍中
澤飢臥空堂計亦得

再至鄧中

苦雨幽篁不見天西風吹滿撼頭船獨憐屈宋行吟地
白髮重來二十年

贈周子厚

坤頤 學博 時爲松滋校官

世界河沙幾變遷交期孔李固依然一千里外重來客

廿九人中最少年

子厚與余同遊縣庠時學
額僅二十九人子年最少

忽漫吟髭

撚霜雪可堪行腳老山川拾遺當日忘形者痛飲眞宜

負鄭虔

麻鞋辛苦記依劉咫尺今成道阻修老我未忘眞率約
得君仍作賈胡留其裳官江陵學博士至荆則其裳先一日告歸矣冷官滋味饒三耐

秋士歌謠動四愁傳語香山酬協律瀟瀟寒雨滿江州

寄芙蓉裳

試問大千槐國夢騰騰兀兀幾曾醒哀時客怕歌郊郢

絕代人甘避尹邢夜雨涼浮孤枕白春蕪望斷兩門青

維舟卻寫荒寒句爲扣枯桐一涕零芙蓉舟中寄示詩有梧桐一葉之喻

重九赴子厚齋中小飲

何處登高不愴神青鞋皂帽客中身蒼茫宋玉悲秋地

憔悴荆潭惜別人謂芙蓉裳平野風吹于澗落故園花發幾

卷十 入鄂集

枝新從君細語茱萸會已覺樽前過雁頻

答子厚贈別之作

五字工言別愁中句有神對人無我相隨地見天真三

徑新望益十觴累飲醅別餘搖落感共此歲寒身

唐巾同煥日舉水逝華年君接台州席子牽甫里船露

蟬吟淡月風葉散寥天莫更傷離索維摩病可憐

枝江時君肅招同江陵陳蘭波遊龍山寺

與子出城無十里蕭然風味卽山家簪花一笑得公甫

脫帽何心嘲孟嘉落日孤雲盤遠嶺寺西青山一髮說公所云八嶺也

涼秋斷雁語平沙荒臺貢道無人問野老猶能記歲華

蘭坡云道光中
越南貢象道此

疊家字韻答君肅

晚歲留君還小住客途似我慣無家文章已分歸阿士
人物誰容判永嘉風雨寒聲悽鐵石乾坤浩蕩莽蟲沙
謂東夷近事便聯高步齊元表卻悅前溪感鬢華

再疊前韻答君肅

仲皇門戶分明記爾我標題本故家一代提封混中外
百年人物失乾嘉晚風哀角來平楚明月高樓倚望沙
樓名去國杜陵憔悴甚尙憑南斗望京華

三疊前韻答君肅

最憶釣臺身一葉無風波處任浮家早知龍伯難爲偶
新挾樵青亦孔嘉到眼江山富文藻回頭京洛飽風沙
只憐寸草心淒斷輸爾懸車賦白華

大鐵刀詞

刀在荆門州當陽城外相傳爲關侯
故物坐客有談此者賦長詞紀之

關侯座前鐵刀峙百二十斤光熊能其上一環重比塔

鐵色如雪穿玲瓏故老傳言歷唐宋廟廷位置偕鐘鏞

刀鋒微鈍力頗鉅萬人之用將無同

萬人關侯
所鑄刀名

憶昔我

侯扶漢鼎金刀約誓明精忠顏良手馘奪奸魄轅門黑

轟吹腥風荆襄威鎮七軍破醜酒割背何豪雄許都議

遷勢岌岌老瞞那敢攪其鋒碧眼小兒黠如鼠白衣搖

橋來江東麥城疾走將星墮寶刀棄擲埋荒叢千年出土作供奉繡痕腥澀磨青紅此刀不斷漢賊首靈風肅肅神其恫我聞玉印侯所佩刀鑿不數東京工西湖照膽永藏弄寵以宸翰封緹重匣匣一鐵亦寶貴肯逐古鏡爲飛龍方今兵塵苦瀕洞安得持此藏羣凶途窮慟哭復何益坐閱桑海如飄蓬摩挲故物發長嘯皎皎白日懸秋空

題劉忠介公遺像

像後圓石硯一方公所寶用也其孫某持以索詩敬題其上

有明季世蝴蝶喧誰何奠國磐石安其間騰踔諸名賢千春卮引筆如椽鐵如意敢摧神姦曰黃曰趙疇比肩

卷十 入郢集

七

先生噩立卿雲端誓援天口提懦頑披胸一一呈張科帝不我鑿甘投冠手我片石親丹鉛以挾經心執經權云胡濁亂翻坤乾一死還逐西山巔遺貌仿佛乘供然神光留照青鐵寒玉臺巾拂相後先後二百載風輪旋此藥相期尋孔顏炯然人譜筆之編一硯廣作范喬傳想當灑翰銀鉤連貞操兀兀石骨堅宏文煜煜石墨鮮兩誰似之若是班孫枝卻發青桐偏上食舊德繼遺言封胡羯末紛蠅聯有筆可耕硯可田惡歲豈復虞連連乃知觀水必尋源蹄涉曠隔如霄淵瞥焉不隔瞻在前道氣耿若虹經天爲圖永永彌憶年

雞毛筆歌

雞毛筆古制也郢中筆工治之較精爲賦此篇
義輪駛駕宵無踪翰音一發光瞳矐郢人悟此得妙製
雞毫迅掃烟雲空由來此物抱五德雅談大可參儒宗
芥羽離披手親檢管城灑落名宜封聞聲尙思拔劍舞
掣筆肯讓懸橙工我生卅年食舊德惟桑與梓情斯恭
吾黃亦善爲此筆雞蟲得失苦爭鶩倒冠斷尾難爲容窮年矧

乏謫仙夢只有筆格懸銅龍得此矧兀開心胸三錢直
奪宣城鋒鼠鬚麟角那足數雞距或許香山同食肉之
相疑可逢中書君豈誠秃翁吮毫伸紙發光怪坐訝赤

卷十 入郢集

七

管拖長虹何當一夕毛羽豐雄飛萬里隨長風吟魂坡
谷相追從陋邦不復儕凡庸寸管砥柱長江東

重過江陵學舍題壁

小坐鱣堂細煮茶荒林落日帶殘鴉劉郎去後風流歇
老卻碧桃無限花

贈日本使者二首 代

赤車東出路漫漫占野人來夾道觀一代星文動天節
百年禮籍證秋官山川日麗新圖畫壇席風高古敦槃
真識蓬萊仙侶面不須九萬借扶搏

早聞安漢通盟久更見甘松互市來土物容啗三戶小

琅玕曾叩九閭開餘香飽挹荀君座茂宰懸非沈憲材
但乞弓衣留韻事年年傳唱楚江隈

岳忠武王銅印詩

文曰武勝定國軍節度使開府儀同三司荆湖南北襄陽路宣

撫使兼營田大使岳飛之印予在蜀中見之爲撰是篇

焦銅一方認汲擊三十三字勁拘鐵篆文漉漉芝泥紅
似滲中原一腔血平生涅臂銘精忠鵬翼高展天門風
金鞍鐵箭遞頒賜具銜前後君恩隆黃河風急鳴鉦鼓
神矛文八長蛇舞不須倒用同司農唾手燕雲銷玉弩
金牌十二軍前來白符鳩唱長城摧銅仙淚滴海潮斷
肘金零落空塵埃嗚乎太平酒風波獄北人歌南人哭

卷十 九鄂集

三

寶篆空隨玉璽傳

宋徽宗有小玉璽藏本朝鄭殿揚家

銅章未入金陀錄

端溪片石經磨礪人間一例珍珠玳精神萬丈耿不滅
視此百鍊丹陽銅

江陵錄別二首呈雲生房師

薦士昌黎五字工敢追東野說才雄尋源夢斷三生石
吹律春回半死桐山水遐心盟漢上風雲奇氣鬱關中
從公細話千秋事浩蕩情懷付酒筒

蓬梗翻飛白日過倚天長劍幾摩挲乾坤量擴中朝大
杼柚才空下澤多平子四愁攄蘊結君游一出動謳歌
柳門東望還搔首簣土何當障九河

幕府集

乙未年自都門歸後 廣雅夫子召居幕府

者經年與一時賢士大夫往還酬唱無虛日爰

彙爲幕府集

丙申春仲予客郢中 廣雅夫子來書招致幕

府歸途感賦一律

半生困長欽垂老託諸侯縉袖京華淚青簾幕府舟囊
增孤鶴料春滿曲江樓十載風塵道勞勞已白頭

卷十一 幕府集

予與紀伯駒以文字測交別五年矣今年滙述省

門君適幕遊吾楚喜相過從發篋陳詩多所匡

益頃復招飲城南歸後書此以紀情事兼有慨

於楚風之不競也

楚地吞五湖三江連山奧窅而雄厖大江東之聲碎諒

孕奇一發世寡雙厥木杞梓草蘭芷厥名底貢惟三邦

尤鍾於人筆鼎扛蘭臺帆帆眾所眩孟杜皮接鹿門龐

潘林吳魏勇不懍逮顧杜乃谷音覺邇來藝苑紛蝶蝶

怪或叫鷓鴣寒吠龙高者懸竊鳴澹澹鄙陋不洗巴人腔

走也學未辨逢逢抱關臥聽宵語柳有伴其容常黢黢

寸莛忽欲洪鐘撞，鱗魚上竹蟻綠椿進不及。咫尺退若隄，
坐譏腰腹徒降肛。君胡爲者渴煮缸，傾倒爲我開蒙春。
君昔京洛走駿驄，論文雙眼明秋釭。近更曲節導撻攏，
倭傀慕地親神媿。短壁峭懸九仞杠，得不目懾足爲雙。
君家尙書吟瑣窗，銅瓶夢墮聲琤琮。請試追錄言非尙，
節樓矧今臨佛幢。品題龍象心早降，君其同音聯杭控。
嗟子跋馬愁崆峒，但逐文昌嶺頭瀧。東流長此歸淙淙，
送戴頰曾歸麻城。

文章在世一芻狗，獸立何人嵩華巔。我行天下頭半白，
晚交一士心所賢。風雪五關盤鳥道，河山三楚鬱人煙。

卷十一 幕府集

二

時平有客尙堅臥，歲暮愁君歎往還。

贈劉嘉子 寅浚 廣濟人

翩然京洛客來訊，老漁師自秉秋爲氣。重勞我所思，壁
燈青炯炯庭樹影。離離風葉能歸本，相看搖落時。

宋可亭鄉舉賀以六言一章

安得雲龍日下與，子追逐後先獨。客倦遊已矣，男兒不
退當前擣蒲一擲。百萬鳳凰上擊九千大，有金書名字
何人題寄青天。

簡宋七可亭 均平

此生豈合儕傭保，又着人間犢鼻禪。三籟何心問商郭。

千金無賦賣長門散人計悔投綸拙勝友情逾挾纊温
早晚塵襟藉淘洗劇談真睹九河翻

寄可亭都門

元氏爲灼鳩爲媒度曲仍餘寡鵠哀費盡東風嫁桃李
獨山原不要輿僮

海天披髮曾東走飛浪依然駕碧霄日日金銀臺在望
可無靈氣與燕昭

寄洪右丞二首

王城聞說春如海雜珮鳴風快馬過臺上黃金臺下骨
不知一擲向誰多

卷十一

幕府集

三

曾聞賣骨無留賞唾手千金亦等閒老衲記調神駿罷
滿馱飛雪出燕山

偕紀伯駒陳畏齋周益庭銷夏城北之雄楚樓

冥冥一角塵囂外禪榻悠然此坐忘地有鶴塲銷火令
窗明飄葉帶江光文章交道懷端復邱壑遺踪得仲梁
獨爲楊耆悲失馬不知心地本清涼

會伯駒一首卽次其韻

椽筆曾看戰堵堵容塵重與滌江光酒盃忽照鬢毛改

秋夜不如情話長晚節一枝風簸簸人間萬事海茫茫

多君接坐相温煦老我詩腸飽雪霜

戊子與伯駒同試京兆故首句及之

葛幼符

潮

屬書扇頭一首

葛通城人

往者邱子

午芸

爲我言葛侯論文今茂秦微生何用相

拂飾踴躍人間一殘客客行南北蓬無根故國山水聊
心存

成句

竭來漢上謔擁榭豈有題襟如段溫逢君市

門發孤笑手君新篇見同調冥冥戶外翻雨雲卻抱冰
輪炯相照君家名閥不可攀君胡冷官猶稽延或云子
齒必去角此意母乃天公慳我亦饑念昔藉餐坐窗不
遑空白顛尺書肯尋子公諾三絕早乏台州賢得錢相
覓心相憐隆然大瓢擲我前忘形爾汝宜棄捐人生有
酒且斟酌有友况能侶南郭甲第名都走紛錯圍冠峨
峨履橐橐醉眼睨之一邱貂不爾鷓鴣一枝弱鬱鬱誰
甘此棲託題詩報君君勿愕

題陳子庶詩草

今日劬勞中澤徧古人憂患六經成有生何必作非想
凡物自知鳴不平萬派江河聲瀟蕩九秋天地氣泓擘
嗟子獨踏蘭臺步期子同爲眇莽行

一笑

一笑老生負到骨猶思赤手挽奔輪蚌胎自激雲濤起
龍性誰甘鳥雀馴外道縱橫魔戰佛神功愆忽土搏人
何當小試絃誦去去漉柴桑舊酒巾

聞子純赴京兆試

是我傾軛地君胡此浪遊狗屠猶灑泣巢父不回頭雪
暗軒轅國風高敢勒秋但承子公諾莫作賈胡留

簡伯駒

周子棲心古蓮社荀輿轅足今泉明戴笠相逢揖且下
登樓宜暑資其清荒寒一例雪廬畫雜坐不隔雲母屏
將子能來續幽好歸吾蕉萃愁獨醒

答采言見眎新秋昌黎贈雲夫院長之作仍次

其韻

少年奇氣鬱不吐獻書似投空函老來情事百不省

卷十一 幕府集

五

吟肩但聳雙峰嶮故人羊求肯相過

謂致存
試生

聲價奚兀

高青衫談天永夕懽未渫有口肯作石闕銜要惟桐魚

叩必應此外應接仍三緘田郎舌鋒舊所畏狂花客卉

遭夷芟竭來長技快一騁五丁力欲披重巖誰云瀝瀝

水一滴不與海味同清鹹祇愁居止雜燕雀繞樹百而

聲喃喃語君懷珠勿輕抵此輩翕舌尤工讒雖然人生

特如寄誰能肝腎共雕劊風行成文偶然耳茲事胡不

於水監哆言華國竟何補由來饌玉紛貪儻揚子憤時

獨高蹈周子論文本至誠倚裳爲我更約結客衣那待

縫摻摻

周試生楊致存爲田靜軒刊其待堂遺稿風氣之
篤足式晚近詩以美之

生死窮交堅一諾夢魂迷路杳難尋雲烟空幻圖中影

靜軒嘗與周楊山水獨流絃外音金鑪吟催雙淚下石
共繪三生圖

函慳發九原深荒城化鶴何年返落日昏鴉已滿林

九日作

僊都阻遐覲佳節靡後先焉知東籬下不有栗里賢
居得靜侶兩忘人境喧持耳有狂醉傾襟無宿言謬誤
亦云多酒人寧受憐但悲鷓鴣鳴芳草淒以殘孤根易
爲轉大化不可干願永今夕酌矧儲落英餐偷寥晚秋

卷十一 幕府集

六

節延仁南山巔長安勿西笑餘興猶陶然謂戊子都門重九之會

答錢季香重九見示之作是日大風雨

平生自秉秋爲氣風雨高寒更此遊閱世偶然成大隱
與君仍是泛虛舟眼明千里公超市歌斷橫江白雪樓
誰道西風送殘響哀鴻無數落汀洲

讀杭堇浦先生石經攷走筆作詞追次昌黎石鼓

詞原韻

漢興八埏受匡飭大風擊筑崇臺歌厥後明經試甲乙
蘭臺行賂將奈何熹平四年奉嚴詔如挽逝日揮雕戈
張韓馬單競奏定萬紙豁若銅斗磨誰歟書丹首鐮枝

中郎星宿胸駢羅脫者補之絕者續太學立石高峨峨
西行南行東行處觀者詫嘆汗不阿魏初置碑四十八
邯鄲大筆疇敢呵典論六碑附其次堂西位置無差說
三體重宣厥功偉取形何但因蚪蟬開皇窮搜置內省
講堂趨會鉤靈蠶暨唐鄭覃手勒勒隻字重比珊瑚柯
豈知流轉墮灰劫坐閱年代如飛梭朱梁篡竊罔知重
劉壽之輩寧委蛇韓縝督工碎其半不聞講授資伏娥
矧復西增白塔建故宮涕淚紛滂沱欽惟

高廟

闡捩鈇恢張盛典追元和拓疆二萬四夷服承平競射
金臺科圖橋如蟻肅觀聽鴻都講藝奚足多尤搜石室

卷十一

幕府集

七

抉奇奧讀書懼誦濟駱駝臣筠奏請鐫聖籍表章未覺
前賢過臣沉觀

帝慎編緝君臣一德相切磋臣衡

三體舊寫進

詔仿其本巖礫波亦有疑文待考索

如蓄爲側陂爲頗斷以 聖衷發墨守安用瑣屑求其

他小儒觀書眼如豆井蛙語海相依裏層諸詎物鮮特

識簾髮盃缶空摩抄幸際

聖朝尙經術微文遍許

窮陬哦老死不羞食字蠹遭際願比聽經鶉續貂倘許

掇殘闕定補商頌歌綺那季長未妨湖訓詁桓榮庸必

長軼軻上襄文治參著作萬古不廢如江河通經尼用

乃爲士勉旃努力毋蹉跎

次韻楊致存憶家詩二首

之子抱秋氣，窅然詔有思。歸隨南雁影，來下楚江湄。浦里羞纓弁，樊川感鬢絲。白頭有妾婦，獨寫踏搖詞。

相望無遠近，共此倚閭情。爾有餘羹遺，予惟獨漉行。風旌秋自舞，轆馬夜長鳴。憶南湖水影，胡倘更生。

次致存冠字韻

客舍穹然岸一冠，檢書燒燭惜叢殘。微生食似蟻，馱粒萬事艱。如鮎上竿乞火，誰從廁通說。投詩人作李，豈看故山亦有巢。居子賸結松雲一角寒。

晚泛疊用致存冠字韻

十載泉明一傲冠，星霜容易識彫殘。夢中青壁啼鶉血，琴畔白頭怨竹竿。秋水混茫成獨往，晚花閒淡與誰看。離心卻動江潭雨，蓬背澌澌作暮寒。

會致存和作仍用原韻

人生寸步成修阻，小與勾留只醉鄉。難得雲泥今接跡，不辭風雨夜飛觴。眼明故國賓鴻影，心熱當筵短燭光。一唱班騅翻懊惱，白頭猶帶薊門霜。

感

益亭爛北曲酒酣引吭一詞聞之懷

雪中偕翊生豫生越黃鵠山集致存寓舍夜飲大

醉詩以紀之

窮冬閉天地客難立枯柴歎關來故人老眼寒一開凝
珠落飛唾璀璨盈我懷猛念東郭生胡不招與偕攜持
越層嶺四顧揚氛霾元冥呵不轉草木色死灰石骨露
頑瘡晃耀雲雪堆是惟伍樵牧乃得標奇隩西指宅一
區草元人寡諧得毋冷擁鼻而豈遁盤坏相尋一絕倒
羅立松竹梅搖手鮮俗禁沒頭有深盃枯腸攪百怪醉
餘痛一哇懸河動雷輓驚走耄與孩斂斂花隱燭藜藿
鼓鳴街舞竿凍欲折踽步危不頽君看造化力寧不眷
吾儕歸與掃塵濁狂飛雪漉漉

富周益亭

卷十一 幕府集

九

與子相逢仍客舍細論生事各淒涼鼓刀人自甘屠狗
盈篋書爭謗樂羊倒糞且酣雲夢酒題詩遙借玉蘭堂
時借飲致
存寓舍三生底用詢公案千古能歌一楚狂

冬季邀同伯駒試生采言致存益亭小集卽席有
賦

作

江黃河朔人千里殘臘招呼此一方勝侶雅嫌飛蓋俗
流光短仗引盃長頑陰入座生虛白壯氣論詩變老蒼
相待塵纓同祓濯百年吾道在滄浪

和廣雅師登黃鶴磯眺遠之作

半壁重逢使節臨秋懷吟挾氣蕭森茫茫逝水黃華遠

黯黯浮雲白日陰，風景河山名士淚。冰霜松柏老臣心，
凭高卻置羊公酒。峴首流聲尙到今。

贈襄陽吳文鹿 慶恩

浮世君寧忘履霜，畏途吾已識迷陽。論文况負喬元誓，
謂洪抱病惟傳馬戴方。今日遠謀推肉食，古人短髮戒
右丞心長。相要天上雙魚落，小輟荷盃作報章。

輓宋可亭

萬里昔曾衝瘴癘，一官胡此慟人琴。追程誰接神駒步，
落羽如聞斷雁吟。倍我才名先撒手，多君年壽只傷心。
魂歸莫灑衣冠淚，棋局河山變古今。

卷十一 幕府集

十

周益亭

從性

見示嶺南梁節庵先生手書七字古

詩

神龜曳尾羞塗泥，老蚌負屋走且棲。爬沙腳手特狡獪，
青天在眼如可梯。我此弓身受塵縛，車行犖确憂無輓。
如子登呼必絕頂，寧有神嶽高難躋。兩年行吟瘦兀兀，
蟻封怪見旋霜蹄。卽事幡然悟眞宰，時可遠駕天爲稽。
同條共命忍相奪，病鶴政爾孤含棲。畸人幻得紀消子，
世網中更交扶攜。結夏有盟互主客，咀嚼百味甘黃蘗。
立言廼敢破天械，虛泊寥濶誰與齊。海南梁髻今健者，
投詩溯派江之西。子能追逐我窘縮，口談海若身醢雞。

涼風疏響滴庭樹短檐過雨斜陽低
硃光鋪展闌明媚沸耳正聽蟬鳴
嘶封題漫與寄餘賞薦籟一發皆
天倪
贈紀伯駒

如君豈乏新知樂過我不辭徒步
艱攜手京華猶昨日藏名城市卽
深山定文敬禮交期古讀書涪
皞韻事嫻

曾憶濃川銷客恨雲天高義說河
間吾楚胡侍御牧巷官京師爲豪介所

制紀文達公代治之仆逃去文達公蓋牧菴同年友也

羣動已云息孤懷孰與并幽花延
客賞老鶴導人行坐

石衣裳冷論詩風露清獨憐池上
月雙照白頭明

卷十一

幕府集

十一

和答芙蓉

與君同里常乖隔意外相逢是客
途夢裏豪華經北渚愁中得失付
東隅江河日下儒冠老天地無情
淚眼枯終手一竿西塞去早將姓
字換菰蘆

送劉嘉予

寅浚

乙官貴州

人生相判萬差等今昨何者爲是
非作雨作雲不可測一東一西任
自爲無鹽偶供世刻劃老馬寧甘
人絆羸嗟君強仕且努力行矣我
將東日歸

楊致存招同紀香馳錢季薌姚彥
長集飲兩湖書

院酒後賦此

與子相近不相見不道秋風能合并菊花語我歲時晚
湖水照人心目清此境便可入詩律舊雨矧復多同羣
行吟兀兀夜柝靜仰指孤月當頭明

有贈

王孫早挾并汾策賓從羣銜祖道杯詩筆能爭秋色老
江花怒濺雨聲來散人自署牛馬走中澤誰紓鴻雁哀
獨忍夜寒東閣外手授倦眼望中台

齒落

與子長習苦小極忽乖離和緩無長策動搖曾幾時物
情剛易折世味老偏知縱有回甘望噉噉百不宜

卷十一

暮府集

七

贈紀伯駒兼柬致存

客遊習嶮巖生世混苗莠人境兩弗失會合茲其偶東
堂踞城闔萬彖約襟肘浮景孰爲驅靜趣吾自有紀侯
身嶽立一覽小陵阜楊子器宏深夫受混升斗去爲泥
憶雲來若杵投白乃挈蒲臺觴不羞鶴髮叟遂抗元表
齊寧知俗狀走攬鏡逝流年漂山照羣口緬子附膺悲
願我觀空久起身羲皇前結想天地後何者足榮衰歎
爾等拉朽霜高秋葉零漏盡曉鐘扣長鏡行可託擁腫
期與守誰云飛蓋遊中乏退耕耦

題朱星源司馬

浩文聽東園

吾山囚吾何滔滔匪兇爲柙豕爲牢四天增蔽以蓬蒿
羣陰黯慘冰霰交古賢阨抑憤所遭悲鳴切切求其曹
檐雀決起焉能高先生汗漫接盧敖奇技奧突通元包
陰陽時位秩不渝元儀武備胸中饒探源而出息厭器
未竟其施空谷逃亟其乘屋親茅綯有竹環立松後凋
有泉檻出山之椒混混不捨無晝宵先生曰此飲可瓢
心源汨汨誰盈洎彼清以溢濁以撓尺水何敢海若驕
憶予橫江舟楫勞釣叟作調聲奏匏枵然何有虎豹韜
眼明一鶴松間巢青天落手風吹清淮南小隱不可招
龜臺百級思之遙夢中哀玉鳴蕭騷嗚呼吾生其幻泡

傳聞

卷十一 幕府集

三

傳聞官爵濫西園彼佞何人肇祠源唐室自橫牛李黨
漢家誰雪固喬寃海童結隊迷三島山叟論兵紀五原
捉兔蒼鷹猶在眼莫教頭上更飛翻

酬楊致存見示憫災近作兼柬芙蓉學博試生同

年

天高戾鳥淵潛魚人生萬事高下殊但論文字略聲迹
準之今代誰不如所虞遊絲而空出幻有形質無根株
或假靡顏自銜達以泣著愛聿而妹楊球有言溺者眾
妖僞百品吾何疎憫災一篇子有作誰何提筆工描摹

聯珠疊璧自珍弄倒篋不給朝夕需別惟飲河取贖足
詎憶槁乾人四呼喟余夜枕漬涕淚讀書慟斷城南符
殷憂未暇及民瘼更肯角力鞭疲驢行謀大醉喝明月
罄掃塵翳歸清虛

今年骨相殊故吾每食有魚出有車十日不出當食廢

茲意迫若追亡遺劉侯憑城列堅陣

英裳

楊子對壘彎

強弧長箋大句數相勦奔命不惜驅童奴無聊一修廣

腳法詭出若竊如姬符小不成邦大何畏雙井終亞三

峨蘇昨手尺書大悲咤死者幽壑生泥塗

關季華客死海上試生近

有梅川死生脫然兩不隔丹陽有酒皆吾徒能交沈范

亦偶爾昨日之日須臾徂蘭摧桂折蔓滋長天所予奪

人難圖平生僑時互同異孰與觀化齊賢愚傳語周子

更起予荒言久矣吾索居

歸興

客行乏樂郊歸意浮短艇野水平不波秋空照逾迥涼

颼颼以生熱塵寧待屏岸花冷無姿消禽炯見影潛鱗

靜一躍弱蓼亂還整化機冥與參物趣閒自領暮色疑

可延水程詎知永故山露寸碧古潭積空冷雲開曠高

躡月出澄孤景萬象歸寂寥一念入悽警庶見天地根

誰爲懷葛境

歸途

歸途纔一宿，魚鳥夢相關。世事誰能了，吾身老可閒。濯纓常傍水，蠟屐更尋山。舊伴餘黃耳，依依共往還。

到家

別離道路何阻長，咫尺眼明雲水鄉。炊烟幾道白繞樹，慈竹一叢青過墻。我之懷矣古大鹵，民亦勞止今小康。相逢情話那易得，故人獨立天蒼茫。

答友人問

予決計不復北上，知交垂問不絕書，此代簡。

一障乘邊力未任，昌黎自訟負初心。存亡慣閱輕塵過，

卷十一 幕府集

五

老病驚隨去日深，小草窮山無遠志。寬禽大海有哀吟，多君十字封題意。倦羽知還豈自今。

楊雲昨致師門語，如此乾坤且息機。良馬坂前猶蹇步，閒雲天末肯爭飛。黃塵滄海愁三見，白羽西涼傲一揮。誰信南堂人健在，尙裁春服望東歸。

龍川博士雞壇友

謂吳裳

獨覓車塵斷處家，詩讀盤中周

四角路封雲外隔，三叉白鬚照水清。如鵠青桂鳴風老，不花曾道仙源無。遠近湖鄉回首卽桑麻。

五畝閒園計漸成，海天昨夢尙魂驚。橫流屢發回車痛，捷徑都輪荷鍤行。敗鼓不收新藥籠，餘膏且拾短燈檠。

及今奇服從吾好已是繁霜兩鬢生

廣雅師六十生日謹次公集中壽黃漱蘭通政詩

韻四首以誌私祝

韓歐名位管蕭心都府相隨雨澤深
菱舍分垂官道柳良宵高喚太和禽
羣生旁薄風傾座一老婆娑雪滿簪
不用爲樓紀清德口碑中外已如林

五年一笑是吾徒斯道脩然與化俱
豈謂列名猶府椽須知識字本田
夫風霜獨坐旌麾肅漲海橫流砥柱孤
辛苦危時封殖意幾人解獻泰階符

琴瑟更張寧過計車輪犖确自廻腸
十年服事期當斗

卷十一 幕府集

天

一夕望冰戒履霜殊錫未容分
睿泰中興獨擬步錢郎

知公袖有扶顛手何止龍文筆力剛

第五句謂子青相公

皜皜秋陽四照中懸知瞻拜萬家同
詩篇日下旌藩帥琴操尊前譜醉翁
令節解囊霏湛露暮天吹角下賓鴻
腐儒考古還振觸小范平生一晏公

送劉嘉子 寅浚 北上

九苞鳴鳳下瑤京又聽和聲徧錦城
日下名偕伯霜重尊前影聚德星明
魚龍渤海春波涌雪月江湖夜氣清
君去若逢相識問道子耕釣計將成

東坪詩鈔

黃岡 殷雯 子攀

萍江集

比年養病家居者半興之所至時復買舟漢水
僑寓鄂垣踪跡靡恆殆如楚江之萍泛矣因顏
之曰萍江集

朝發

貧賤失故心文章希利市但解馳奔輪何曾鑿前軌
險不可階卻曲不可履謂云勞者生而轉滋吾悔朝發
烏林村暮泝漢江泚迴旋衣帶間夫豈非止水

卷十二 萍江集

一生

生年知有幾家世累仍多萬里夔憐足千金葉脫柯秋
心動鳴鵙老眼照霜娥許共希夷子忘懷跨白驪時有書約

陳咸東
玉省

抵省

待曉東華當日事試將齒髮較童顏羽人遊戲三山外
柔者行誦十畝間螳虻忽鞭神駿出羊鬣親將領珠遺
秋光耻借湖心月似爾含沙百不闕

蔬食

停辛伉苦卅年事投老能甘藜藿腸細雨絲絲韭頭白

初日團團雞子黃，媚我登盤記類老。送人作郡羞城陽，
鍾俞可作會相許。齒牙一嚼聲官商。

曝書有作

迂儒百無成，捫腹坐書癖。鬱此磊砢姿，譬猶筍遭腊。又
如漫畫鳥，可任身塌翼。暑汗困沮洳，料簡費寢食。卻立
暗淚零，留貽半手澤。正畫曝南榮，高風動古魄。肯以縹
緇儲而爲蟬鼠宅，緬昔昧津涂。恃此示準的身命，乏安
閒。少壯易衰白，妍談悟夙非。狎獵收今益，盈科潛其源。
充閭厚其積，尺木解與雲寸鐵。可穿石，豈其工裨。貶甘
爲五宗賊，猶恐範馳驅。妄覲十禽獲，司祿一貼書。梁園

卷十二

萍江集

卅門冊從渠傲聲，價故知相什伯。

過芙蓉小隱山房別後卻寄

長年塵市偶山林，便有鳴禽送好音。絕世文章一芻狗，
故人風味兩苔岑。名園老賦紅酥手，別浦春傷碧草心。
我亦多情攬華髮，踟躕漢上不成吟。

小品清詞奪劍南，湖鄉野趣任窮探。高寒風露鳴蜩苦，
遲暮年華啖蔗甘。帆影誰知尋夜雪，桃花吾擬禊春澗。
更將以三美裳近有醉勞君誇示紅裙酒，紅裙之句早識稽生七

不堪

半山莊題壁

荒寺闌無隣幽人一環堵入山寧必深差取城闕阻徂
秋散高步聯袂得勝侶到門心目清泉鳴帶微雨晚風
度林薄墜葉颯庭宇老桂色蒼寒眾木拱而俯深杯相
向酌芳馨若爲吐觀化入沉冥通神轉和煦因之會道
要悠然緬前炬夙夢期可圓素心諒相許

致存見示詩集并以摺疊扇屬書酬和舊什輒成
七古短章五首應之

懸崖老樹根屈盤志士苦節同貞堅當春生意暖一洩
三兩着花疏不繁官然茲境到豈易邈矣古風追使還
誰何瞪視了不省卻道惡詩多得官

卷十二 洋江集

三

東方哦哦九尺軀富有腹笥囊粟無饑腸百轉出奇策
蒼天欲死須人扶君胡爲者荷畚走濡需利處非良圖
茫茫九州一積水嗟君持此將奚如

宋七俠骨高隱隣艾大瓊奇爲國珍萬里之行出門蹶
羌誰贖之人百身長宵呼酒自斟酌歡有婦孺無比隣
人生泡幻未易語君看海水猶飛塵

青天百尺聲啾喧忘形相覓甫與度常時塞嘿口掛壁
得酒豁若門脫關橫胸今古憤一吐下土旁哂非天全
君寧卷舌無復爾吾亦打撲巢深山

詞林標格今者稀卽論結字非凡規逼人右軍吁可畏

乃強鐵石身扳追賡口得句謬自許或勝點筆蠅凍癡
雖然此語亦戲耳萬事老太何能爲

張雲生房師五十初度寄祝四首

時權篆
江陵

巍峩楚塞接秦關直挾雄風自往還人道飛鳧成吏隱
天教拔鶴起民頑方員具有神明壽清省原非簿領閒
一土片言獨心醉銅山鐵壁許誰扳

早年借寇惜無成故事猶堪表百城唾手黃金輕篋籜
植身白日屹嵩衡埋輪徑奪豺狼氣臥閣寧囂雀鼠聲
更挽狂瀾蘇萬戶魚頭銷落盡蒼生

仁如張皓工明發老去殷澄合退休材館偶來驚臘等

卷十二 萍江集

四

荊州一見抵封侯酒樽攜共元亭醉原草吟銷白傅愁
玉箸金盤恩禮在沙頭爭忍下扁舟

琴臺東望片雲停官柳依依不斷青風裏微吟趨桂府
雨餘飛夢繞槐廳新聲遠譜三湖曲巨手高圖五嶽形
等是千秋標令節長宵瞻禮一張星

答芙蓉

涼秋一病老難禁喜傍南村得素心遇以桑榆徵道合
交於江漢見情深延津故事聞龍躍華表歸踪有鶴臨

尙憶河梁同賦別廿年曾此一霓襟

吾邑邵綽文曾官
武昌教授逸子主

講署內時芙蓉道之官江陵爲文送之今又沒而芙蓉
忽移官至此予仍浪跡省門喜良友之合而又不能無

人事變遷之感
也書此卻寄

病起致芙蓉裳二首

熱客勤來就冷官故知骨相本酸寒君看甲第紛梁肉
何似荒齋苜蓿盤
何人稱藥兼量水一榻東堂起病翁老祝餘生作蛩駝
肯敬孤枕怨頭風

疊致存見贈詩韻示芙蓉裳

廣文先生最愛客衮衮百職無其賢忘形安論爾汝輩
有道直出羲皇年何時酒瓦杜陵醉願我經遲劉向傳
藏機出機古有訓語君一着將奚先

卷十二 萍江集

再疊前韻兼示致存芙蓉裳

翰林詩筆得秋爽冷官風味高時賢極知開徑足三益
便矢託命終餘年市人履稀日相逐吾道守雌誰與傳
更尋白社醉杯酒往矣風流成古先

三疊前韻答致存

昔者吾友古風表一時捧手皆名賢窮交在眼復有幾
畸士僕指多無年何圖廣勝見遺軌直起惠始留眞傳
斯文領袖政須爾老我敢爲天下先

四疊前韻再答芙蓉裳

白髮幾人稱仕隱青燈一榻伴鄉賢
芙蓉初至寓鄉賢祠頭銜合

換支離叟意氣猶談少壯年北而元亭樽許共謂今中丞于公
西風黃葉句爭傳其裳種菜諸詩揚致存諷不去口遺山別有登臨感
哀樂還應語繼先

寫懷五疊前韻

平生豈似侏儒飽終日無如博奕賢病謝輪蹄猶近市
寄居門外馬車日夕不絕老虬農圃不逢年午餐味雜元黃進
王美未相弼自元卯酒功高沈湮傳
仙方傳沈湮不如要識黃見清異錄
宛邱平易法一瓢滿酌許誰先

再示芙蓉六疊前韻

名湯利輶嗜各別試與比較知誰賢獨排俗物意孤往

卷十二 萍江集

昔飲文字交忘年吾儕但思適己事古調那許無人傳
則當嚴軍對堅壁蝥弧一拔君其先

倒疊前韻再寄芙蓉

萬事高材捷足先一燈如月向誰傳沉埋功德三千牘
變化蟲沙六十年乞火老疑貧是病揮盃私歎濁爲賢
尺書黯甚雞壇友拉我詞場一放顛
自夏徂秋三遭疾芙蓉三起之謝之以詩七疊前

韻

憑誰隻手除三縛中古眞逢俞跗賢馬革雄心友異日
藥鑪活計換多年維摩甘以眾生病馮壁寧無公論傳

公論共推君掌
醫馮壁詩句

聞道四家羣祖述河間原占李朱先

將歸里門留別芙蓉

文昌戒心盲窻等眾目瞽處宗習雜談勝共俗流語世
渺同氣求曷若獨行踈大木危將摧孤根借擎舉百卉
淒以腓幽花自媚嫵老鶴不可羣奇佞誰與伍喟余少
也賤同爲儒之腐略迹乃諧心唾今必茹古喁于響輒
通湖洄道不阻乾坤一瘤贅君我兩蛩駝哆口駭橫非
作氣衰再鼓勢將走曳兵那能愛解瘰贈言惜分攜學
道屏覲護神交外形骸心聲出肺腑但期苦行堅寒林
表英楚毋譏太瘦生窮山逢卓午

卷十二

萍江集

七

表英和從南道人五十自壽詩次原韻

翩然高舉謝儒冠
操窻如劍缺彈肯立白茅食玉印
要回綠鬢餌金丹
逍遙壑谷三生在清淺蓬萊幾度看
太息長途莽荆棘
壺中人覺地天寬

前生鐵石曾相許
早歲風霜已慣經
畫鶴仙心尋斷壁
啼猿詩思入空舡
長齋早待修金籙
初度懸知集鳳靈
露坐偕君忽愁絕
試談河鼓叩青冥

人昌聽徙南道人彈琴

節樓高處擁烟嵐
臥酒吞花老尙堪
今日相逢各惆悵

秋風搖落滿江潭

登山臨水辭家感緝芷蹇蘭去國心憂爲騷人寫哀怨
看君風雨一橫琴

絕句二首疊前韻示芙蓉

十年襟袖染烟嵐
足歸來百不堪
傳語魚蝦舊時侶
一竿烟雨老秋潭

劉侯故是南村友
拉我憑高寫素心
盡掃人間箏笛耳
天風高處一揮琴

芙蓉長誦一篇柬芙蓉

君昔之官古南州
欲往從之道阻修
君今衝齋近漢水
相悲問年各老矣
壯能努力闕相從
老大相從百事慵

卷十二 萍江集

八

而君精力獨健舉
藿鹽送老甘終窮
吾徒眷戀豈好爵
所喜平津劍雙躍
東野爲雲吏部龍
平生夢想無此樂

突然位置寧非天
天乎相抗還相憐
祚賢更歸賢永年
天乎祚賢歸賢永年
趙元叔窮鳥賦中語

大笑語君君曰然
爲感雙飛聽雙
鳥婉戀荒原死相保
昌黎便許鳴啾啾
元叔且忘憂悄悄

知矧逢盛讌開南
皮君亦駟馬新追
隨君固中丞于
心感激同所私寸
心圖報寧容遲
黃花老圃重晚節
昂哉勿負師門知

短誦四首書贈芙蓉

今年旱乾雨水薄

今年旱乾雨水薄
禱雨何人急民瘼
崎山古井龍所家

問龍乞水無一勺病夫張目夜隄牀奈此破檐星月光
山妻一言殊解意老天不與人問事

愆陽爲害厥病温素友挈榼來相存一杯藥我百憂失
何況兼攜冰雪文讀之置身闖風頂眸子燦然寸心炯
僕夫忽悲予馬懷孔璋行矣風雨來君去之明日適雨

濁世爲儒眾所鄙一官矧壓百僚底君也衙參老不嫌
四海捫心一知己謂中丞于公小平泉督署圍名內叢桂圍亦有

寸草銜春暉師門風義足千古爾我衰頽竟何補

春官桃李開滿城高秋晚節誰能貞傲然大句落我手

筆端灼灼垂秋英

前贈詩收句芙蓉爲
易黃花晚節句甚愜

來拔劍作龍

卷十二

萍江集

九

吼我亦鼓刀學屠狗旁人笑罵兩不知猗嗟爾我心知
之

菊花

菊花吾與汝託命共三秋未可矜佳節惟應伴白頭風
霜經慘淡人境得清幽卽此成三徑何心廣漠遊

感事

漢皇御宇忍佳兵五夜焚香祝太清玉殿無心蟠鶴影
金盤有淚落魚羹祥徵大燾神光赫齋薦長桑戰骨橫
一語股肱留法戒賡颺喜起是先聲

荆門千里接邊疆霜落長堤御柳黃福海魚龍秋寂寞

夾城笳鼓夜悲涼
白駝舊跨名王遁
班馬親隨上將亡
夢繞先朝行獵地
木蘭山色迥蒼蒼

彼得倫敦道路通
勤王信斷紙鳶風
聯軍白種輕天吏
踏浪黃標阨海童
回紇盟尊千歲號
蕭梁誑耀六軍容
書生分少封侯骨
老嗅庭香識苦衷

中州詩就淚潛然
暮號朝虞正眼前
俑始鄭和通碧海
妖傳張角詛蒼天
熙春亭怨閒花鳥
凝碧池喧舊管絃
獨照龍旒遠氛盞
古時明月滿秦川

重有感

令節恆暘豈咎徵
福昌覆轍幾人懲
眞言敢兆黃花落

卷十二 萍江集

十

公法能忘白簡登
北寺寃霜天闇淡
西樓獵騎夜曹騰
亦知臣妾都惟命
大有人方臥病水

大師一錯鑄何休
聚鐵眞空十六州
教啟紅陽別門戶
名承黑制誤春秋
倘聯漢室三軍黨
藉復齊侯九世仇
如此心期高管樂
底須窟宅覓瀛洲

天門石嶺勢崔巍
又見函關望氣來
肯許索頭窺柴壁
早羞左股失蓬萊
九邊新墮黃陽厄
七事親禳赤縣災
再世昌黎乘一障
萬聲雷動祝瀾迴

蜃氣長橫大瀛海
螢光不散小平津
出師常武仍周室
媚敵中行本漢臣
赭面威宜伸傳鼎
神拳法更斃王倫

只今憂國稱勤理歧鳳來翔遲爾頻

用韓文下詩意

賓來烏弋並黃支

聖德何曾陋九夷散遣千金能

關士止齊六步悉稱師蔡州從事談招募雲漢餘民嘆
了遺但使成規懍鄉校終憑三戶拓

皇基

眞州自昔容留滯上國何心罪郝經毳幙偶然參建類
金闈從此污羶腥蒙塵匪患唐安史變服終卑趙武靈
不見園陵饒美蔭拂天神樹正葱青

聞道

聞道魚羊慘食人風光先斷五陵春酒昏夢兆龍蛇歲
肉食謀多蟻虱臣一騎牢駝工揖盜兩階蒙虎在酬賓

卷十二

韓江集

十一

侯門記得年時事曾許天驕識鳳麟

吠聲吠影競喧闐瘦狗呼羣滿大千一戰定知收黑闥
再生何苦溷黃天彤庭密詔詔衣帶鐵獄同文累橐籥
欲向昆明問灰劫可憐曼倩已飛僊

紛紛名士談風景舉目河山感不禁稽首大雄攀紫竹
灰心虛牝鄭黃金水仙不轉盧循棹雲漢偏遲傅說霖
辛苦人中精衛在親填木石海天深

諫草開元隔幾時明明金鑑網蛛絲九齡圖象風霜肅
萬福威名草木知兵力定呼蒼兕出天心肯任白龍危
只今坐鎮坤輿策珍怪朝天走四夷

黃石齋先生遺硯歌

爲沈雪廬作

空堂片石圓如規劫灰歷盡餘瑰奇上鐫名字朗列眉
再拜重認黃公遺銘語況非凡手爲閩部大節無磷糶

銘爲史道隣先生撰

茲硯何緣兩得之勝磨巖石遭冰斯更三百

載明祚移奇寶道側羞昌黎沈侯好古費不貲直起古
魄身追隨焚香拱對如尊彝文章氣節皆吾師拓本屬
我加褒題昔者吾友龍岡陸手持長卷光陸離圓犀書

佐千春卮

千春卮引係黃石齋先生手書

公文那敢輕瑕疵氣挾忠義

尤淋漓茲硯舍公當什誰至今石骨堅不勢老我觸目

增嗟咨沈侯畫筆珍南皮

謂督憲張公

提攜一硯研隃糜以

卷十二

萍江集

十一

寫褒鄂雙英姿肯貌尋常行路兒硯乎庶幾得所師噫
硯乎庶幾得所師

辛丑重九同芙蓉作

客途何處不滄桑夜雨偏容話對牀濁世冠裳溷鱗介
散人筋骨鍊風霜推排歲月平頭過縹緲雲旗躅足望
垂老與君同起舞新傳綸綉下天閭

疊霜字韻奉東芙蓉

倦羽驚絃下莽蒼又隨雲鶴一迴翔詩心苦共蛩鳴雨
道力堅如菊傲霜令節百年飛短夢涼秋萬籟入清商
餘生叵奈逢搖落隣籬悽然更斷腸

謂邵綽齋丈

二老嘆

讀書尙友千載前何如二老同學稱比肩束髮論文四海內何如二老一堂共遊藝我手二老嘆如詞二鳥篇玉川破屋三數間餽粥於斯安且便中間隔別亦偶然一老癯而僂俛狎顛當守門戶一老頎而長高疑呼吸通天閭天上材官多如蟻白頭甘壓百僚底顛當卻守門戶牢收視返聽袿羣囂深藏一出出不惜一老遷喬一著籍橫舍心尊六一翁廣庭舌敵三千客旁人冷笑二老顛二老翩翩曾少年一闌瓊臺席一躍烟樓鞭大言許身一稷契胸有千秋氣橫絕喙長三尺不須吞腰

卷十二

萍江集

十三

大十圍那容折去去射魚海東頭轉身又逐鯤鵬遊一老吟望青兩眸打撲歸心盟鷺鷗荆南薄宦一千里天譏噉人勢蠶起一老拏舟泝中泚獨鶴翛然渺雲水歲惟困敦月當余挈家老作比鄰居同聲旁及揚馬徒

謂致

存太史試生同年

四壁怪走驪龍珠赤腳老婢長鬚奴飛箋索

句如追邁雕鏤萬象無畱餘百靈奔走相叫呼曰此捷捷者其勢交相需務馳一檢速之去庶保混沌還其初

一老歸飛鏃毛羽一老寒蟬噤不語可憐江漢靜雙流

頃刻波濤賊萬鼓今年忽破天公慳打門捉臂開心顏

閑支一筇向蓮社高擁兩峰齊玉山涼秋九月風凜冽

朔氣凝寒變陰雪世情冷暖祇自悲天意迷茫共誰說
一老聞言棹頭子且休壯心踴厲老則不有書插架酒
盈甌從吾所好他何求一老枯坐無言色欲死人生識
字憂患始早歲飄零速暮齒矧更橫流迫桑梓一老悚
而作一老顧而嘻一踰下壽一古稀海天瀕洞陵谷移
夙所聞見胸貯之鬱爲絕識爲雄詞書之在紙名四馳
漢太史氏唐拾遺斯道只今肩者誰猶嗟二老無復疑
絕續之交方在茲助華多咎責志業虞紛歧安得四方
上下長追隨不然古賢結志超等夷化身胡願雲龍爲

自箴詩

卷十二 萍江集

十四

慎其心如慎口心乃守持其心如持衡心乃平

惟彼飛鳥不涅而黑惟彼鳴鶴不浴而白眞體自充變
之則惑

簧法舌筒法口矩法足規法首法目之明鏡以成法循
之節寸以名近取諸身其用宏

危而斂迹奚見忠貞窮而舍業奚見聖明噓不廢食蹟
不廢行

輪之圓用則轉席之方坐則煖方者利處圖者利行君
子進退不失其程

微乎微乎鉅者基乎夷乎夷乎險者幾乎知其幾履如

夷謹其微基無卑

將溢未溢莫加一滴一滴之泉中有波瀾將折未折莫

加一捏一捏之力中有霹靂

石數仞楔則裂木千尋蠹則折鯨離水蟻制之龍行天

蚊殺之

以結網取於蛛以造舟取於魚蓬飛爲車鳥篆爲書不

忽微近聖人之徒

驟長之木必無堅質早熟之禾必無嘉實禾質嘉必晚

獲木質堅在盤錯

雖有甘樹無益枯莖雖有聖藥無益腐骸雖有哲匠無

益散材

卷十二

萍江集

五

隆隆升與禍并汲汲問與年進

勿謁庸醫勿拜庸師殺吾身庸醫手殺吾後庸師口

禍之賈由積貽我所思在大鹵隙之開由疑猜我所思

在無懷

善養樹在初植初植之樹繩之易直善除草在甫生甫

生之草鋤之易平

謙養德傲乃辱靜永年躁乃蹙勤集事怠乃覆欲去俗

莫如讀欲保族莫如睦欲寡慾莫如獨

一卷之攻其味靡躬勿曰無庸叩之者如撞鐘一肯之

藏其迹易彰勿曰無傷見之者如探湯

陰翳之蒙蔽光易滅何以明心上有日月疾颺之動薄
植易傾何以立體下有崑衡

款款相投中我以戈矛瀰隱若敵惠我以藥石戈矛刺
入其來無方藥石益人終身不忘

火鬱則怒吾懼其或揚鋒淬則銳吾懼其終傷何以養
銳曰善藏何以止怒曰善忘

雅音自珍古道自重知音斯鳴知道斯用

陳錦

增陳會棋

劉祚恒

男殷繼猷

校字

